


Lihat dulu keupayaan

Majikan buat andaian salah, graduan minta diberi peluang sama rata



FOKUS

>>Oleh Ruhaiza Rusmin

ruhaizarusmin@hmetro.com.my

KITA selalu mendengar keluhan dan rintihan graduan baru betapa sukarnya mencari

pekerjaan walaupun mempunyai segulung ijazah.

Ternyata segulung ijazah yang diperoleh selepas berhempas pulas itu belum mampu menambat perhatian majikan menawarkan pekerjaan.

Pandangan skeptikal majikan masih tidak berubah tebal dengan andaian mereka tidak kompetitif, kurang matang, tidak sabar dan ego.

Akibatnya, graduan baru seperti keterlaluan menagih belas ihsan majikan demi mengharapkan satu pekerjaan.

Persoalannya, adilkah graduan dilabel begitu sedangkan mereka belum diberi peluang bekerja?

Bagaimana pula perasaan graduan baru apabila permohonan kerjaya ditolak tanpa pertimbangan?

Graduan Universiti Sains Islam Malaysia (USIM), Nur Izza Nadhirah Kalal, 23, berkata dia amat kecewa majikan membuat andaian salah kemampuan graduan



NUR IZWA NADHIRAH...beri peluang bukti keupayaan.

baru.

Menurutnya, biar pun majikan memegang kuasa autonomi, mereka usah mendiskriminasikan pemilihan pekerja.

"Semua graduan selepas tamat pengajian mahukan pekerjaan, namun menghadapi kerenah segelintir majikan yang tidak memahami memang mengecewakan.

"Mereka (majikan) perlu memberi peluang sama rata kepada kami, bukan menggunakan isu graduan baru tidak pandai bekerja sebagai alasan.

"Persoalannya, benarkah graduan baru tidak boleh bekerja atau majikan hanya melihat sekilas lalu atau mendengar cakap orang lain," katanya.

Sebagai graduan baru, mereka bersemangat untuk bekerja, malangnya bukan semua



NOR HASHIMAH...konflik hebat.

mahu melihat kesungguhan mereka sebaliknya lebih suka mengkritik.

Ditanya tidak bolehkah mereka menerima kritikan, dia berkata, tiada masalah asalkan ia untuk kebaikan.

"Malangnya kebanyakan kritikan berbaur negatif dan seperti mahu meletak kesalahan pada kami seperti tidak boleh buat kerja, mahu gaji tinggi dan besar kepala.

"Mereka seharusnya melihat dulu keupayaan dan kebolehan kami sebelum membuat andaian itu.

"Sesiapa pun mahukan yang terbaik, malangnya penerimaan